



Broj: 01-50-1-15-47/09.

Sarajevo, 5. marta 2009. godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

U srijedu, 4. marta 2009., održana je 47. sjednica Predstavničkog doma Parlamentarne skupštine BiH. Na sjednici su, uz ostalo, razmatrani materijali koji su u nadležnosti i Doma naroda, kako slijedi:

1. Prijedlog amandmana I. na Ustav BiH (prvo čitanje);
2. Izjašnjavanje o Prijedlogu zakona o douni Zakona o carinskoj tarifi BiH (drugo čitanje);
3. Prijedlog zakona o maloljetnim počiniocima krivičnih djela i krivičnopravnoj zaštiti djece i maloljetnika (drugo čitanje);
4. Prijedlog zakona o besplatnoj pravnoj pomoći (drugo čitanje);
5. Prijedlog zakona o međunarodnoj pravnoj pomoći u krivičnim stvarima (drugo čitanje);
6. Prijedlog zakona o izmjenama i dopunama Zakona o ministarstvima i drugim organima uprave BiH (drugo čitanje);
7. Prijedlog zakona o zrakoplovstvu BiH (drugo čitanje);
8. Prijedlog zakona o Agenciji za pružanje usluga u zračnoj plovidbi BiH (drugo čitanje);
9. Izvještaj komisije Kolegija o nastojanju za postizanje saglasnosti o Prijedlogu zakona o prijevozu opasnih materija (Zakon u prvom čitanju);
10. Izvještaj komisije Kolegija o nastojanju za postizanje saglasnosti o Mišljenju Zajedničke komisije za odbranu i sigurnost o Prijedlogu zakona o graničnoj kontroli (zakon u prvom čitanju);
11. Prijedlog državne strategije za nadzor nad opojnim drogama, sprečavanje i suzbijanje zloupotrebe opojnih droga u Bosni i Hercegovini (predlagač: Vijeće ministara BiH);
12. Izvještaj o radu Državne regulatorne komisije za električnu energiju u 2008. godini (podnosilac: Državna regulatorna komisija za električnu energiju);
13. Informacija o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovanja ljudima u 2006. i 2007. godini, i prvih devet mjeseci 2008. godine;
14. Davanje saglasnosti za ratifikaciju:
 - a) Sporazuma o vojnom grantu između Vijeća ministara BiH i Vlade Republike Turske,
 - b) Bilateralnog sporazuma u oblasti obrazovanja između Vijeća ministara BiH i Vlade Crne Gore.
 - c) Sporazuma o preferencijalnoj trgovini između Bosne i Hercegovine i Islamske Republike Iran;
 - d) Memoranduma o razumijevanju o budućnosti zdravstvene mreže u Jugoistočnoj Evropi u okviru Procesu regionalne saradnje u jugoistočnoj Evropi,

Ad. 1.

Predstavnički dom usvojio je Amandman I. na Ustav BiH u prvom čitanju, uz sljedeći zaključak:

Ovlašćuje se Ustavnopravna komisija Doma da, u saradnji sa Ustavnopravnom komisijom Doma naroda, provede javnu raspravu o Amandmanu I. na Ustav BiH u pet gradova Bosne i Hercegovine (Sarajevo, Banja Luka, Mostar, Brčko i Tuzla).

Ad. 2.

Predstavnički dom usvojio je Prijedlog zakona o dopuni Zakona o carinskoj tarifi BiH u drugom čitanju, sa sljedećim amandmanom:

„Vijeće ministara BiH će najviše dva puta u toku kalendarske godine ponoviti utvrđene kvote za ovu tarifnu oznaku, ako to budu tražile firme koje imaju kapacitete za preradu ovog proizvoda, instalirane u Bosni i Hercegovini i ako se proizvod, koji je u pitanju, ne može osigurati po prihvatljivim cijenama na domaćem tržištu.“

Ad.3.

Prijedlog zakona o maloljetnim počiniocima krivičnih djela i krivičnopravnoj zaštiti djece i maloljetnika u drugom čitanju nije dobio entitetsku većinu, pa će se provesti usaglašavanje u Kolegiju Doma kao komisiji.

Ad. 4.

Prijedlog zakona o besplatnoj pravnoj pomoći usvojen je u drugom čitanju u predloženom tekstu.

Ad. 5.

Prijedlog zakona o međunarodnoj pravnoj pomoći u krivičnim stvarima u drugom čitanju nije dobio entitetsku većinu. Nakon usaglašavanja u Kolegiju kao komisiji, koje je provedeno odmah nakon glasanja, u drugom krugu glasanja protiv Prijedloga zakona glasale su dvije trećine iz entiteta. Prema tome, Prijedlog ovog zakona nije usvojen.

Ad. 6.

Prijedlog zakona o izmjenama i dopunama Zakona o ministarstvima i drugim organima uprave BiH usvojen je u predloženom tekstu.

Ad . 7. i 8.

Odgođeno je izjašnjavanje u drugom čitanju o:

- Prijedlogu zakona o zrakoplovstvu BiH i
- Prijedlogu zakona o Agenciji za pružanje usluga u zračnoj plovidbi BiH.

Ad. 9.

Nakon usaglašavanja u Kolegiju kao komisiji (nije bilo saglasnosti), u drugom krugu glasanja protiv Prijedloga zakona o prijevozu opasnih materija u prvom čitanju glasalo je više od 2/3 poslanika iz entiteta, pa je tako Prijedlog zakona odbijen.

Ad. 10.

Nakon usaglašavanja u Kolegiju kao komisiji, Dom nije usvojio negativno Mišljenje Zajedničke komisije za odbranu i sigurnost o Prijedlogu zakona o graničnoj kontroli (zakon u prvom čitanju), pa je tako Prijedlog zakona ponovo vraćen Komisiji na razmatranje i dostavljanje novog mišljenja o principima predloženog zakona.

Ad. 11.

Predstavnički dom usvojio je Državnu strategiju za nadzor nad opojnim drogama, sprečavanje i suzbijanje zloupotrebe opojnih droga u Bosni i Hercegovini, uz sljedeći zaključak predložen u raspravi:

1. **Predlaže se da se izvrši planiranje sredstava za realizaciju Strategije za 2009.godinu.**
2. **Neophodno je naglasiti koja je institucija zadužena za realizaciju Strategije.**

Ad. 12.

Predstavnički dom usvojio je Izvještaj o radu Državne regulatorne komisije za električnu energiju u 2008. godini.

Ad. 13.

Dom je uvojio Informaciju o krivičnim djelima protiv dostojanstva ličnosti i morala u BiH, s naglaskom na krivična djela krijumčarenja i trgovine ljudima u 2006. i 2007. godini, i prvih devet mjeseci 2008. godine.

Ad. 14.

Predstavnički dom dao je saglasnost za ratifikaciju:

- a) Sporazuma o vojnom grantu između Vijeća ministara BiH i Vlade Republike Turske;
- b) Bilateralnog sporazuma u oblasti obrazovanja između Vijeća ministara BiH i Vlade Crne Gore;
- c) Sporazuma o preferencijalnoj trgovini između Bosne i Hercegovine i Islamske Republike Iran;
- d) Memoranduma o razumijevanju o budućnosti zdravstvene mreže u Jugoistočnoj Evropi u okviru Procesu regionalne saradnje u Jugoistočnoj Evropi.

Radi informiranja, obavještavam vas da je Predstavnički dom na 47. sjednici razmatrao Informaciju o aktivnostima vezanim za prijem BiH u nestalno članstvo Vijeća sigurnosti Ujedinjenih naroda u mandatu 2010. – 2011. godine. Zahtjev za razmatranje informacije podnio je poslanik Zlatko Lagumdžija na 44. sjednici Doma, nakon što je odbio članstvo u Koordinacionom timu za vođenje kampanje za nestalno članstvo Bosne i Hercegovine u Vijeću sigurnosti Ujedinjenih naroda, u koji ga je ranije predložio Zajednički kolegij oba doma. Predstavnički dom primio je Informaciju sa znanju i, na prijedlog iz rasprave, uz ostale, usvojio i sljedeći zaključak:

„Predstavnički dom ovlašćuje Kolegij Doma da, u saradnji s Kolegijem Doma naroda, u ime Parlamentarne skupštine BiH odredi člana Koordinacionog tima za vođenje kampanje za nestalno članstvo Bosne i Hercegovine u Vijeću sigurnosti Ujedinjenih naroda u mandatu 2010. – 2011. godine.“

S poštovanjem,

PREDSJEDAVAJUĆI
PREDSTAVNIČKOG DOMA
Beriz Belkić